

閩臺族譜彙刊

◎ 陳支平 主編



GUANGXI NORMAL UNIVERSITY PRESS
广西师范大学出版社



閩臺族譜彙刊

陳支平 主編

27

GUANGXI NORMAL UNIVERSITY PRESS
广西师范大学出版社

· 桂林 ·



目錄

寧化曹坊曹氏家譜	1
連城清水塘天水郡嚴氏族譜	51
燕支蘇氏族譜	127

福建
寧化
曹坊

曹氏家譜

曹景希 編纂

民國十三年（一九二四）八修
一九九五年補錄 重刊本

《寧化曹坊曹氏家譜》，閩西寧化客家曹氏家族譜牒，曹景希編纂，民國十三年（一九二四）初梓，一九九五年重印本。

公元一九九五年冬月

閩族全編

曹氏家譜

寧邑邱嘉陶梓

續修家譜序

嘗思水有源木有本不忘祖功宗德爲後裔者應遵祖訓報
答先祖之恩德故宋名士蘇氏昆仲提倡譜牒响應國有史
家有譜之規例也吾

始祖道生公由宋發祥傳至我八世祖六三郎公厚德流芳
分裔浦水水脈綿長人衍丁蕃科甲聯芳自民國甲子十
三年出譜以來已逾七十二年矣向未重修緣因滄海桑田
人文缺乏二戰時期大鬧革命迄今得到全國勝利爲國立
功捐軀者不少無可稽查汗馬功勞者尙未記載繼之國難

續修家譜

卷一 新序

當頭天災兵燹何能提倡重修家譜之事乎迄今幸逢盛世
國家昇平人民樂業生活上昇子是邀集閩所伯叔磋商擬
定重修最可靠者深坑伯叔仕傳公裔孫蘭張特別熱心爲
祖出力不怕疲勞收集資金閩族伯叔者同協力使譜牒早
日告竣完滿成功爲後裔造福萬載興隆也是爲序

公元一九九五年歲次乙亥十一月

吉旦

勝郎公卅一世宗經孫發伙謹撰

蒲水甲曹氏重修家譜序

嘗聞譜與史重非易修之於以歎編史之爲難因知修譜之不易刪修傳誌尙可娛心記載齒丁斯爲豪手縱然殫心竭力以索詳難免亥豕魯魚之偶誤要之得人秉理則難者亦可不難非勤且慎公而明者不足以當其任何則明則通於理公則服於人慎則端其要勤則成其事四者咸備譜之修易也況譜乃人倫之根蕃宗族之紀綱堂容療草修飾哉蓋曹姓世稱甯南之鉅族自宋咸寧間始祖遠生公甫簡命守牧汀州卒于官其子大郎扶櫬卜塋于吳家窠因結廬守墓遂闢基而家焉名其地曰曹坑傳三世大郎公

閩臺族譜彙刊

卷一

序

始遷榆林生八子派衍八支而族且大焉迄今人煙不下千有餘家間有發祥各州郡者星羅棋布各衍宗支本鄉亦爲丁盛裔蕃各登諸牒就丙子桂秋蒲水甲

順卿公一脈子姓閩興孝弟敦睦之思舉修宗譜一倡羣和助勸歐美不憚跋涉遍歷各地聚稿彙訂閱數月而功成時余忝任剞劂諸君子案余序余不敏固辭不獲因荷羣賢之情懇並美董理之勤慎閱此新編悉舊章明如秋日增其生齒紀其婚娶墳墓續其圖祭產紀其實足法於後世者上承先人之志下啟後裔之仁使咸知尊祖親親而不失敬宗睦族之義賴氏曰觀吾譜者孝弟之心可得油然而生其斯之

謂歟後世人文蔚起而正未有艾也余故不揣鄙陋爰筆以并於首是爲序

皆

民國十三年甲子歲桂秋之吉

眷教弟王新昀頓首拜撰

閩臺族譜彙刊

卷一

序

舊譜序

人生所最不容已者尊祖敬宗之念所最不容紊者親疎長幼之倫詩歌絕武書載睦族豈可徒爲誦誦而不思木本水源篤忠孝之忱也耶此後世族譜所由作也蓋族譜之作明宗文序昭穆載坐墳誌祭產無非動人忠孝之心耳故廬陵歐陽眉山蘇氏之誌檀名於今古是族譜之不可不修也明矣邇我譙國郡曹氏之興肇於周武王封振鐸于曹子孫遂以國爲姓厥後平陽侯之於漢也濟陽王之于宋也功書竹帛誅茅鼎鍾不皆赫比者歟至宋理宗時朝散大夫曹公之子椿公爲汀州武節郎其孫進生公復膺簡命作牧于汀在

卷一 舊叙

任而卒稽其時益宋咸豐年間也生一子大郎公隨母扶孺卜葬于甯化會同里吳家窠因家焉名曰曹坑三世祖大郎公始遷榆林壩遂號爲曹坊大郎公生八子遠徙已多惟長十一郎居木本生三子長曰勝郎次曰十郎又曰伯四郎三曰十八郎又曰伯五郎十郎生三子長曰五郎又各柳五次曰六郎又各柳六次三曰九郎又各順卿生三子長曰三郎次曰太保一郎三曰太保四郎即居圳下溪背其次子太保一郎即我浦水一支之祖也遂長發其祥似續繁庶焉前此雖有譜乘多爲元末兵燹所殘迨後成敗綿延雲初罹此非有譜以詳之烏知木本水源以動忠孝之心乎爰集本房伯叔

編輯纂修使後起者覽之宗友明也昭穆序也祭產坐墳誌且載也當必有惻然而動尊祖敬宗之念者今日以愛存慈著敬其祖異日必以忠貞篤業事其君則不惟我近代列祖神爲之慰即遠祖先公在天之靈亦必爲之默相矣是爲序

肯

明成化三年仲冬月

十二世孫仁弼頓首拜撰

卷一 舊叙

老譜原序

高祖溫州金巢金錢之祖歷代之傳緒其族譜所載上自軒轅皇帝歷代至周西伯凡二十一世有文王生振鐸武王即位封弟曹叔振鐸于其子孫以國爲姓爲春秋魯莊公時有曹劇是其苗裔至四代生曹泰居山東譙國郡又西漢以功封平陽侯惠帝朝爲丞相卒歷生五世生曹褒至章帝朝爲博定文郡著歷生曹寬理宗時官封朝歌大夫生子偶齊郎傳百七郎廼生德聖德堅堅郎椿公生五子長高生次遠生其三四五水詳其各醇祐七年官封汀州府武節郎五月初三到任醇祐十一年六月滿皆與父子康生于咸寧年間

卷一

老譜原序

拜爲汀州牧年官生一子大郎尙幼隨母扶父柩回至會同里吳家窠同謁山川之勝概暫止于茲置田園而居之生一子六郎始遷曹坊古名榆林壩居住生入子族派始盛其子八人或居本處或居他邑去遠不能悉詳其名也

萬歷三年八月

日教旦

眷教弟黎勳毓撰

舊譜序

從來家之有譜猶國之有史也以書善惡昭法戒於萬世譜以明世系垂統緒於千秋誠並重而不容以軒輊矣然諸公所開較諸史爲更甚史非董狐難言直筆寧闕其文亦足以徵信若族譜所載稍有一事疎畧一筆模稜其弊有不可勝言者是故譜不可不修亦未可輕言修予族自振肇鐸封譙國起郡前人之述備矣獨我遠生公以作官來汀大郎丞曹坑卜宅至六郎丞遷徙而關榆林八子挺生宗友繁行其外出首不具論卽本鄉之望衡對宇少長嬉遊不減茲斯之贊也夫寧邑非小弱也名宗巨族指不勝屈我榆林曹氏雖無

卷一

舊譜原序

名譽顯宦而子姓殷繁士敦經誦農服先疇豈無因致此哉蓋我祖宗以清白爲楷模以醇厚爲家法繁世相傳幸邀天眷始有此瓜瓞雲初之報也語云積厚者流光夫豈誣耶但人家則房分房分而譜異茲之所編則我浦水一脉之譜也當大明成化時我祖仁卿公已改訂編輯流傳至今歷有年所不無殘缺今復殫精竭慮詳加核察以修明之雖未能如南史董狐克彰直筆而據事實書不敢有事疎畧一筆模稜以傳疑於後世自茲以往又必有繼起者再訂重修昭祖德而大宗功此在崇德象賢之裔奮發振興無待予言之瑣也

明萬歷二十二年甲午歲孟春月

十六世孫 宗應 宗斌 宗柳

十七世孫 永泰 永根 永慶等百拜撰

卷一 曹氏家譜

重修老譜原序

夫家有譜猶國之有史也所以記隆替譜所以載原委而家之所以貴于譜也哉

祖遠生公來自咸寧年間至 六郎公適生八子猶是予族頗遠子姓頗繁迄今數十有餘世矣支分派遠各從一牀而弔其譜焉予於 太保一郎公一脈之分也舊雖有譜爲蠹所蝕且中多殘缺猶恐世愈遠而蠹愈害殘缺愈失雖有肖子賢孫則可以考其祖之實跡究其原本耶噫予雖不肖豈若戴天而忘高履地而忘厚者比哉于是集諸叔姪重而修之推而上溯其本引而下及于支知源流定遠近概可見矣茲

曹氏重修家譜

卷一 重修老譜原序

譜也成雖不敢以賢子令孫爲後之苗裔必第昭穆有分尊卑有等親疎有別爲姓有聯暨祖宗之墳塋基址蒸嘗世業炳然如日星森列涇渭不紊以

皆

天啟五年歲次乙丑菊月

穀旦

十九世孫仁倫撰

首事題名

仁倫 仁周 仁福 仁仕 仁資 仁翰 儒通 儒壽

天賜

重修家譜舊序

昔攷古盛時歌行草頌既醉其於父兄宗族間何恩意周洽
愛敬之胞且摯也竊歎叔世波靡此風不再敦倫之意轉矣
睦族之情漓矣大物生於天人本乎祖譬諸水然發源於崑
崙由積石過壺口歷龍門孟津以達於四瀆五岳間雖分流
肆出脈絡各殊要無不共本於一源別人居倫類各要夔良
胡可使愛敬之忱益偷至此蓋譜乘之不修無以統宗收族
別派分支遂致倫紀風尚之不可良可悼哉余生不辰自幼
孤苦賦性柔懦而親親長長之義日切于懷每念我 大郎
公再進而榆林一關生齒日繁迄今族聚千家世曠代易究

卷一 舊叙

而遇之皆無非我 遠生公之苗裔也乃各房一譜各譜互
異閱踰累以起雀角端以開離欲敦倫而睦族焉可得乎誠
康熙丙戌余與族家文從禹尚潔人不磷暨姪鉉等共議將
各房之譜合修爲一庶可以易薄爲厚化漓而醇共篤親長
之誼父老咸悅之無何盡爾者流年髮齒早恐世系聿修明
分厘定遂難以遠狂悖竟力撓其事而終止余因是而修譜
之志餒矣今春伯叔兄弟會議重修本房之譜舉余以董其
事余力謝之余曰曩者尚欲合修通族之譜具見親睦之心
茲本房之譜復何辭焉父老再三足命余因以重修爲已任
然終恨合譜之未遂余願也爰按本房舊譜雖仁弼丕修于

大明成化三年繼宗斌公等修于萬歷二十二年歷代相承
簡編有據而今已閱世多矣非特散處各邑播遷異省者難
爲訂正即於本鄉者興亡變遷闕畧已甚于是偕弟九桃姪
廷遜下汀杭過豫章不憚跋涉之苦遠稽徧訪披羅無數越
夏經秋日夕無休開始得考定世系核實而詳書之以付之
於梓非敢謂纂修之有能亦庶幾上承先志下啟後人盡其
親比長比之誼耳若夫賢豪崛起能合各房之譜而修之俾
閩族一堂敦倫睦族親比長比以追古人行草既醉之風也
余懷耿々拭目俟之

皆

卷一 舊叙

雍正十年壬子歲仲冬月

吉日

二十二世裔孫九璋頓首百拜撰

重修家譜序

雍正壬子九章公三登諸事嘗以不能合通譜之譜爲恨然
而所見異辭所聞異辭所傳聞又異辭欲強而一之余固知
其難也所幸 始祖遠生公在天之靈佑啟我後宗祠九鼎
建煥然一堂合食卜居八九是又合譜之漸也特非余所能
及耳而譜所可知斷不容於缺畧余數受父老命三十年不
修譜士以爲不孝自雍正壬子至今甲子已周豈容再緩爰
更歷汀郡各邑及建甯浦城延平將樂并過豫章即九章公
所考定者而增訂之以待後經始于仲秋閏三月而告竣滿
惟我曹坊衡宇相里一姓千煙椒聯之蕃衍甲于甯邑而支

卷一 舊叙

分派別尚稱殷盛者又以我浦水一宗爲最鄉之神會以及
峇所秋報通鄉輪辨者浦水實司其半易曰無平不陂無往
不復又曰艱貞無咎於食有福我 始祖以一人而繁衍千
百煙其遠徙者且不下數倍我浦水果人各育本源之思
事出出于愛敬之誠安見不更振以崇之耶至于各譜雖不
無異同其出於 遠生公者實一耳各紀所知信以傳信疑
以存疑何必定合爲一譜乎哉抑何嘗不知出一譜乎哉

昔

乾隆五十六年冬月

吉旦

二十五世裔孫敬鶴肅撰

承啟堂曹氏重修族譜序

譜者何布也列也代遠年湮世系不布列則昭穆失序生卒
不布列則生忌無稽或家傳譜牒溯本諸流藉支宗而聯
親也我浦水爲

遠生公太祖閣四世兄弟八人我房與通鄉並宗長房

十一郎公裔孫在昔宗文蕃衍各修房譜惟我房祖三二郎公

子孫開多播遷他鄉異邑自明天啟至

國朝百餘年於茲未獲重修景閣之下世系生卒失攷者不知

凡幾爲之惻然今春就所族中父老訪問前事尙有記憶二

三者慨然興重修之舉命予董其事予以失攷無從詳載誠

卷一 舊叙

恐負咎幽冥然迨今再任荒蕪將來抱憾益深勉承其任是
譜也因舊譜而釐正之原本宗文布列後裔其中世系不明
生卒不詳咨之故老核之實錄無足徵信者概從其闕此不
過存十一于千百俾後人知昭穆之序而已若夫上邇厥初
雖經前序註明各房譜載互異非博覽羣書弗克考究精審
以俟後起鳩集通族纂成一書垂爲家乘予未有能焉

昔

清嘉慶十六年歲次辛未秋月

數旦

二十四世裔孫芳敬撰

浦水甲合譜重修序

संस्कृत-भाषा-शिक्षण-संस्थान-मुंबई

清溪

1

言國事上重在下言

二、

1

言國事上重在下言

二、

1

言國事上重在下言

二、

1

數日

數日

目錄

新序一頁
老序十四頁
目錄二頁
凡例二頁
族規二頁
字派一頁
董事四頁
追遠祠圖併記三頁
敦厚堂記併圖三頁

寧化曹坊曹氏家譜

卷一

目錄

一

承啟堂記併圖六頁
三秀廳記一頁
各秀屋場圖併記七頁
歷代蒸嘗記十大頁
各秀祭座二十四頁
仕如公蒸嘗并記八頁
仕傳公蒸嘗并記二頁
後跋三頁
人文錄四頁
壽考九頁

善行大頁

婦德錄四頁
龍鳳壇廳記一頁
德雲庵記一頁
白蓮堂記一頁
賴畫切庵記二頁
築案序一頁
五通廟圖併記二頁
水口廟記二頁
報功案二頁

寧化曹坊曹氏家譜

卷一

目錄

二

附載一頁
春祇秋報一頁
芳儀誌共五十四頁
墓墳引二頁
墳圖共三十二頁
世系七百零二頁

凡例十則

一譜以明宗支敘倫理垂之後世其所關非小務期詳明記載茲譜所以由凡例舊序暨祖堂蒸黨世系墳墓以及人物俱核實一一詳之

一我曹姓實本於振鐸歷代華胄荒遐難憑但據舊譜載遠

生公爲來賓之始祖自浙江溫州來官于汀卒葬于甯遠家

于曹坑三傳始闢曹坊生入子至七世太保一郎公卽爲

我舟之祖歷載甚明故仍刻入舊譜序爲後人徵

一世系只用傳法又用弔圖且標其派者長次於前以便觀覽

若生要廢葬與名號可考者詳之無攷者從闕無嗣者書止

凡例

一厥亡者書歿出繼者書出繼某人出抱者書出抱某處外出

與出家者俱詳其去所以俟其歸宗抱養者理宜錄去但不

忍絕其人之祭祀姑存之仍書抱子恐亂宗也再嫁者直書

改適不削其氏而天下無無母之子也派內同者宜改以生

讓短以少讓長或改其字不改其音

一祖堂祠堂舊譜未繪圖今詳繪之且作記爲後人考亦以見

古人最重宗廟即家禮所謂祠堂是也我鄉祠堂衆建於

乾隆庚申而各房原只有祖堂雖不足以尊祖先亦不可不

如古人之重宗廟也

一世派無別昭穆無章我房上世各房已定多世今已合譜以

二十六世止自二十七世起新增本正能成合源長可大和
十字凡我房九郎公一脉一應公同共派命名定式兩房
中二十七世有景派有賢派發者勿論生者更換庶不致參
差後賢再修仍增新派

一墳墓所以藏先人之肢骸體魄不棲今亦必繪其圖詳記四

界形表則家不惟以杜侵棄之徒使子孫得以稽考

一祀產無非肖子賢孫不忘追遠之意我房蒸嘗多經余手故

知之獨詳某祖遺下某處某租新置某人無論田塘店屋園

斯山場租稅若干苗糧若干單契某人存執一一載于譜內

庶使子孫世守得以飲水思井毋滋後弊矣

凡例

一人才之生固闕國運亦我祖宗之所蔭也奚可無錄故余刻

人文善行壽考婦德四門彙人後附文傳詩贊以啟後人至

于他人所贈之文傳卽刊其人之姓名其未刊姓名者俱出

余手

一譜共印二十部以二部作總今取五言律一首家譜源流遠

宗文世澤長先徵垂後嗣萬禩永珍藏四句編號填名分給

領執每年清明日會譜一驗若有損壞失落公議重罰各宜

珍藏

一譜自後重登照古例三世一修勿爲過期以至荒廢

族規八條

一父母爲一身之本即菽水可以承歡當思但盡生前孝勝於死後哭之語及時色養如有忤逆不孝家法示儆不悛送

官究治送之出族

一兄弟乃如手足痛癢關情同根共本固宜和樂異本連枝亦宜友恭有無可以相通患難必爲相救若使一言不合怨氣相加卽非式好甚至酗酒者逆爭鬭房長必爲責罰至再不悛亦送出族

一善良宗族之祥孤寡家門不幸最當受恤各相鼓勵以厚醕風何得恃強使勢欺侮毒害如有此等宗黨鳴鼓而攻卽有

詩國曹氏重修家譜

卷一

家規

事不平先投房長處務不聽然後經官違者必罰

一人生須要立身務本勿爲游手放閒虛糜歲月暴棄可惜士

農工商供各勸勉循理安分爲是毋得賭博姦淫竊盜玷辱

先祖且一朝敗名終身莫改初犯杖懲再犯送官究治不

許入族

一祭產先人之血食一有侵削便至消亡或祖未及置猶當爲

之創設豈先世遺留反爲之斬絕乎甚且使前人爲莫敷之

餒鬼于心何忍如敢擅自分拆私鬻罪同不孝永不得與祭

一謹家牒不忘乎先望正賢子孝孫之心也古人猶恐毀傷墳

木芻蕘不禁遂爲大戾况敢侵欺混佔爲天地之所不容乎

甚或喪良以至斬棺挖骸盜賣與人者尤非人類大爲不孝

必追還價銀安葬原所仍送官究治

一聚蓄山水原有嚴禁或爲後龍之庇或爲先靈之蔭卽非庇蔭亦可備爲不時公用若使亂爲砍伐不將爲牛山之濯也

乎一爲拿獲查出鳴衆公罰狗情賣放者併究

一余重修茲譜經營二載實爲任大責重兢兢業業苦心莫告

各宜珍分始見尊祖睦族之意倘有不肖子孫私將譜首出

賣與他人者聞知查明必於譜上削去其名永不許入族

詩國曹氏重修家譜

卷一

家規

一

字派

八仁仲汝得 宗永辛尙志

萬九廷紹啟 盛景 至此合譜另派

順太大三仲 七福文得子

必茂鼎仁儒 天繼顯耀忠先賢 至此合譜另派

民國十三年新增

本正能成學 國朝祖興隆 運昌世澤長

公元一九九五年新增

聯修友誼深 意同力量強

錦添源流廣 福祿壽喜財

民國十三年新增

字派

明萬歷廿二年甲午歲孟春年董事

十六世孫 宗應 宗斌 宗柳

十七世孫 承泰 承根 承度

明天啟五年重修宗譜首事

十九世孫 仁倫 仁周 仁福 仁仕 仁鎔

二十世孫 儒通 儒壽 廿一世孫 天賜

清雍正十年壬子歲首事

志代 萬信 萬老 萬應 萬有 萬總 萬恭 九漢

九璋 九德 九華 九遠 九達 九桃 九福 九品

九朋 九昌 廷明 廷遜 廷祥 廷述 廷緒 廷繼

詩國書氏重修家譜

卷一

首事人名

廷綬 廷晨 廷供 紹億 紹僑 仕發 仕聖 仕福

仕顯 廷宏 紹謨

清乾隆五十六年重修首事

紹茂 紹庭 紹森 紹增 啟鶴 啟洪 啟寶 啟垣

廷傑 啟待 啟敬 盛儒 啟懋 紹雍 啟超 啟雯

啟光 紹景 盛秀 盛義

清嘉慶十六年辛未歲首事

聯芳 耀紳 耀彩 耀初 耀岐 耀琯 耀德 忠鈺

忠亮 忠愛 忠道 忠武 忠臣 忠春 忠鐸 忠學

忠勝 忠林